

**ZAVOD ZDRAVSTVENOG OSIGURANJA
ZENIČKO-DOBOJSKOG KANTONA**

Broj: 01-100-59-533/26

Zenica, 16.03.2026. godine

Na osnovu člana 103. Zakona o zdravstvenom osiguranju Federacije BiH, člana 18. i člana 60. Statuta Zavoda zdravstvenog osiguranja Zeničko-dobojskog kantona ("Službene novine Zeničko-dobojskog kantona broj: 11/16 i 9/19), člana 33. Poslovnika o radu Upravnog odbora, Upravni odbor na 59. sjednici održanoj dana 16.03.2026.godine donosi

O D L U K U

o odobravanju refundacije troškova zdravstvene usluge magnetne rezonance (MRI) za osigurana lica sa prisustvom metalnog stranog tijela u organizmu

I

Ovom Odlukom utvrđuje se način odobravanja refundacije troškova zdravstvene usluge magnetne rezonance (MRI) za osigurana lica Zeničko-dobojskog kantona koja imaju prisutno metalno strano tijelo u organizmu.

II

Pravo na refundaciju troškova zdravstvene usluge magnetne rezonance (MRI) imaju osigurana lica kojima zbog prisustva metalnog stranog tijela u organizmu navedena zdravstvena usluga ne može biti pružena u ugovornoj zdravstvenoj ustanovi.

III

Za obavljanje zdravstvenu uslugu magnetne rezonance (MRI) osiguranom licu priznaje se refundacija do iznosa cijene navedene zdravstvene usluge utvrđene tarifom zdravstvenih usluga Federacije BiH.

IV

Uz zahtjev za refundaciju osigurano lice je dužno priložiti sljedeće:

- Medicinsku dokumentaciju kojom se dokazuje prisustvo metalnog stranog tijela u organizmu
- Kopiju nalaza kojim je indicirano obavljanje zdravstvene usluge MRI
- Originalni račun za pruženu zdravstvenu uslugu
- Nalaz o urađenoj zdravstvenoj usluzi

V

Osigurano lice Zavodu podnosi zahtjev za refundaciju sredstava koji mora biti lično potpisan.

Računi se dostavljaju u originalu i ne mogu biti stariji od 12 mjeseci.

Medicinska dokumentacija se dostavlja u kopiji.

U postupku rješavanja zahtjeva primjenju se Zakon o upravnom postupku.

VI

Direktor Zavoda donosi rješenje o odobravanju /ne odobravanju refundacije sredstava za zdravstvene usluge iz člana 1. ove Odluke na osnovu prijedloga Komisije za razmatranje zahtjeva osiguranih lica

Ova Odluke stupa na snagu danom donošenja.

Obrazloženje

Obzirom na veći broj zahtjeva za refundaciju troškova za MRI pregled za osigurana lica sa metalnim stranim tijelom u organizmu, Zavod zdravstvenog osiguranja ZDK se obraćao svim ugovornim bolničkim i kliničkim centrima o mogućnosti realizacije ovakve zdravstvene usluge. Svi odgovori koje smo službeno dobili su bili negativni.

Međutim, određeni broj osiguranih lica Zavoda zdravstvenog osiguranja ZDK koja imaju metalno strano tijelo u organizmu je realizovao MRI pretragu u zdravstvenoj ustanovi sa kojom ZZO ZDK nema ugovorni odnos. Uvažavajući postojanje ove mogućnosti kao i da postoji određeni broj osiguranih lica sa metalnim stranim tijelom u organizmu kojima je indicirana MRI pretraga radi adekvatnog nastavka liječenja ili praćenja zdravstvenog stanja, a da ista ne bi bila uskraćena za ovu zdravstvenu uslugu, predlažemo da Upravni odbor ZZO ZDK usvoji ovu odluku na osnovu koje bi se mogla priznati refundacija sredstava za MRI pretragu i za ova osigurana lica, usklađena sa cijenom usluge MRI pretrage prema važećoj Tarifi zdravstvenih usluga Federacije BiH.

DOSTAVLJENO:

- 1x Direktor Zavoda
- 2x Pomoćnik direktora
- 4x Služba za pravne i opće poslove (U.O.)
- 1x Služba za finansijske i računov. poslove
- 1x web stranica Zavoda
- 1x a/a

**PREDSJEDNIK
UPRAVNOG ODBORA**

**prof.dr.med.sci. Anhel Koluh,
specijalista opšte hirurgije**

